



# Chikamuchisyo chakutyochela Kwiunde

Wakulemba:  
Watson Goodman

Jaulele jangasumisya

“CHIKAMUCHISYO CHAKUTYOCHELA KWIUNDE” silindime sya kulandana kutyochela m’ malo gakulekangana-lekangana gamalowe ga Mlungu (sklipicha) m’ Buku ja Baibulo. Ngukulupilila kuti pangali buku jine jandemanga pamalowe ga Mlungu jakujipunda Baibulo jisyene.

Malowe ga Mlungu “gakutyochela Kwiunde” ni yakuona gakutusya kwakukulungwa mitima jajimkwete sala pane njota ja chilungamo. Mundu pakulapa, nikusikana sambi, akum’ kalibuchisya Ambuje Yesu Klisto kutama mum’ tima mwakwe, nikulupilila nim’ tima wose kuti Ambuje Yesu ali m’ kulupusyo. Papopo Ambuje Yesu Klisto akulilosya asyene kwa mundujo nikum’ gumbasya ni lukondwa nim’ tendele mu m’ tima mwajwakulupililajo. Une naiweni yeleyi m’ chaka cha 1937, ni chitandilile pelepo mbele jwako-ndwa ni ulukosyo wao wa kusimonjeka. Ngum’ juga sano kuti m’ lipeleche kwa welewo kuwa Ambuje ni Mkulupusyo wenu naga m’ kinimlipeleche.

—Watson Goodman

---

Text reprinted from New Testament in Yao, 1992 Edition, by permission of the United Bible Societies Africa Regional Centre, Nairobi, Kenya.

## CHINONYELO CHA MLUNGU

1

Nambo Mlungu wâsimichisye kuti akusatunonyela mnope, pakuti pele patwaliji wakulemwa, Klisto watuwilile.  
—Aloma 5:8

Chindimba cha Ayuda chila, chakutelwa Pasaka pacha wandichile, Yesu wamanyilile chilepe kuti ndawi jakwe jiyiche jakuti atyoche pa chilambo pano kwawula kwa Atati, jwelejo wanonyele wanganyawo wele wawaliji wakwe wala pasi pano nipo wanonyele kwakumalilwa.  
—Yohane 13:1

Pangali mundu jwele jwakwete chinonyelo chakuchipunda chelechi, chakuti mundu akwasila umi wakwe ligongo lya achambosangagwe.  
—Yohane 15:13

Ni kuwumila kwa Yesu Klisto, mboni jakulupichika, wele wali wandanda kwimuka ku wawe, nipo soni Mwenye jwakulamula achayimwene wosope wa chilambo chapasi. Jwalakwe jwaketunonyela, ni watugopwele myakulemwa yetu ni miasi jao.  
—Chiunukuko 1:5

Pakuwa Mlungu wanonyele mnope wandu mpaka wampeleche Mwanagwao juwawelekwe jumpepe, kuti jwalijose jwakumkulupilila jwelejo akasajasika, nambo akole umi wangamala.  
—Yohane 3:16

Nambo mundu jwakanakola unonyelo, ngakummanyilila kose Mlungu, pakuwa Mlungu ali unonyelo wene.  
—1 Yohane 4:8

Pangali jwine jwakuti mpaka akane chamtemela cha mkulambila kwetu chili chachikulungwa; Jwala-kwe wawonechele ali ni chiilu cha mundu, wagolochekwe mu msimu, nipo malayika wambweni. Walalichikwe pasikati pa wandu wango-syo, chilambo chosope chapasi chamkulupilile, wapochelwe kwinani mlumbili. —1 Timoteo 3:16

Yosopeyi yatendekwe kwitichisya yiwa wechete Ambuje kwa jwakulo-chesya achitiji, “Mwali tachikola chitumbo nipo tachiweleka mwana-che jwamlume, ni tachimta lina lyakwe Emanueli” (mate gakwe, “Mlungu ali nowe.”)  
—Matayo 1:22, 23

Pandanda payosope jwelejo jwele juwatelwe lina lyati Lilo we, jwaliji kalape. Lilo we lyaliji sawasawa muwa welele Mlungu. Nipo jwelejo jwaketelwa Lilo we, watendekwe kuwa mundu, ni watemi kukwetu. ...Mwa jwelejo watulosisye uwe chisyowelo ni usyenesyene.

—Yohane 1:1 ni 14

Yesu wamjanjile kuti, “Ndemi nomwe ndawi josopeji, nipo nganimumanyililepe Filipino? Wele wambweni une, waweni soni Atati. Nambi uli mkuti, ‘Atulosye Atati?’ Ana ngamkukulupilila kuti une ngusatama mwa Atati, nipo Atati akusatama mwa une?...”

—Yohane 14:9, 10

## YESU MWANACHE JWA MLUNGU

3

Menema mundu jwakwitichisya kuti Yesu ali Mwanagwao Mlungu, Mlungu akusatama chitamile mwa jwelejo, nombe jwelejo akusatama chitamile mwa Mlungu.

—1 Yohane 4:15

Malayikajo wamsalile kuti, “Msimu Waswela tiuwe mwenumwe, nipo machili gakwe tigamyichilile mmwejo. Ni ligongo lyakwe mwanachejo patachipagwapo, tachiwila ngwa jwamswela, Mwanagwao Mlungu.”

—Luka 1:35

Achiwechentanaga iyoyo, lyayiche liwunde lyakuwala ni chiwilili chakwe chawunichile. Mwiwundemo mwapikaniche malo we gakuti, “Jweleju nijo Mwanangu jwele ju-

ngumnonyela, nipo ngusangalala najo mnope, mumpilikanile.”

—Matayo 17:5

Jwelejo watite, “Ambuje, nambi wani welewo wakuti nakulupilile?” Yesu wamsalile kuti, “Mumbweni kala, ali jwelejo jwakuwecheta namwe.”

—Yohane 9:36, 37

Pakuti mwa Jwelejo umlungu wosope ukutama mchiilu.

—Akolose 2:9

Mwachisisimuchila watandite kugumila achitiji, “Ana mkuti mtunde chichi, Ee Mwanagwawo Mlungu? Ana myiche akuno kukutusa wusya ndawi mkanijikwane kose?”

—Matayo 8:29

... “Wanganyamwe mli wakutyochela pasi pano, nambo une ndili jwakutyochela kwinani. Wanganyamwe mli wa chilambo chapasi, nambo une nganimba jwa pa chilambo chapasi chino ngwamba.” Yesu wajanjile kuti, “Kusyenesyene ngumsalila kuti, Ablhamu mkanapagwe, nikuti une ndili mbali.”

—Yohane 8:23 ni 58

Yesu wasalile kuti, “Uneji ndili mkate wakupeleka umi. Mundu jwalijose jwakwisa kwangune, ngasijimkola sala. Nipo jwalijose jwaku ngulupilila une, kasijimkola njota kose.”

—Yohane 6:35

Jwamkongwejo watite, “Ngumanzilila kuti akwisa (jwakuwilangwa

Klisto) jula, menema jwelejo patachiyika tachitusalila yosope.” Yesu wamsalile kuti, “Jwelejo ndili une jwanguwecheta namwe.”

—Yohane 4:25, 26

Menema Yesu wasalile soni kuti, “Kusyenesyene ngumsalila kuti, une ndili mlango wa ngondolo.”

—Yohane 10:7

“Wanganyamwe mkundenda kuti ‘Mwalimu’ nipo soni ‘Ambuje.’ Pelepa ni mkuwecheta chenene, pakuwa ndili uneji.”

—Yohane 13:13

Yesu wamjanjile kuti, “Une ndili litala ni usyenesyene ni umi. Pangali mundu jwakupakombola kwisa kwa Atati naga ngakupitila mwa une.”

—Yohane 14:6

## IMANYILO YINE IWATESILE YESU 5

Nipo walamulile wandu wala kuti atame pasi pamanyasi. Nipo pawajigele mikate msano jila ni somba siwili sila, walolite kwini, ni wato-golele Mlungu, pawamasile ni waga-wenye mikate jila ni wajipeleche kwa wakulijiganya wakwe, nombe wakulijiganya wala wajipeleche kwa wandu wala. Wandu wosope wala walile ni kwikuta, ni walokotenyeye sigasiga ni wagumbesye ngalala likumi kwisa siwili.

—Matayo 14:19, 20

Simoni wasalile kuti, “Ambuje uweji tuchesisye chilo chosopechi ni ngapagwa chitupatile. Nambo kwa ligongo lya malowe gawoga, timbonye likokalyo.” Nipo wapo-

nyisye ni wauleje somba syejinji mnope, kwakuti likokalyo lyatandite kupapuka.

—Luka 5:5, 6

Ni mlole wandu wawili wakutatala watemi pasi mungulugulu litala mula, pawapilikene kuti Yesu akupita watandite kugumila kuti, “Ambuje, Mwanagwawo Daudi, mtutendele chanasa.” Menema Yesu... wawusisye kuti, “Ana mkusaka kuti namtendele chichi?” Wanganyawo watite, “Ambuje, tukusaka kuti meso getu tupate kulola.” Nipo Yesu watendele chanasa ni wakwayiye meso gao, ni mwanda-wi jijojo watandite kulola ni wakuyiye.

—Matayo 20:30 ni 32-34

Pakuti mwa Jwelejo yindu yosope yapanganyikwe ya kwini ni pachilambo pano, yakuwoneka nipo soni yangawoneka, atamuno yitengu atamuno uchimwene wosope atamuno ukulungwa wosope ni ulamusi wosope. Yindu yosope yapanganyikwe mwa Jwelejo ni yosepe yili yakwe. —Akolose 1:16

Nipo lulimi luli lose lujitichisye kuti, “Yesu ali Ambuje,” lumbili kwa Mlungu Atati. —Afilipi 2:11

...Mlungu... Nambo moŵa gambesi gano, aŵechete nowe kulungulila mwa Mwanagwao juŵamtesile kuŵa jwakwinjila majumba ga yindu yosope, kulungulila mwa jwelejo soni ŵapanganyisye yaku-

panganyikwa yosope, nipo wambisile aŵe msyene yosope.

—Ahebeli 1:1, 2

“Sambano Ayisulayeli wosope amanyilile mnope kuti, Yesu jula jwele jumwamkomele pa msalaba, Mlungu ŵamtesile kuti aŵe Ambuje nipo soni Mkulupusyo.”

—Masengo 2:36

Pakuŵa kwa ligongo lyeleli Klisto ŵawile ni ŵajimwiche, melepe kuti aŵe Ambuje ŵa ŵandu ŵawe ni ŵajumi.

—Aloma 14:9

Mlungu ali jwakulupichika, mwa ŵelewo mwaŵilanjikwe kwinjila mchisyoŵekano cha Mwanagwao Yesu Klisto Ambuje ŵetu.

—1 Akolinto 1:9



Nambi mmweji, ana ligongo chichi mkumlamula mjenu? Atamuno mmwejo, ana ligongo chichi mkumnyosya mjenu? Pakuti wosopewe tutuchijima kulamuligwa pawujo pa chitengu cha Mlungu.

—Aloma 14:10

Pameso pa Mlungu, ni soni pameso pa Klisto Yesu, wêle watachilamula wându wosope, wâjumi ni wawe wakwe, ngumlamulila kuti, kwaligongo lyakwisa soni kwa Klisto, ni uchimwene wakwe.

—2 Timoteo 4:1

“Patachiyika Mwanagwawo mundu mlumbili lwakwe pampepe ni malayika wakwe wosope, jwalakwe tachitama pa chitengu chakwe cha-

lumbili. Tachasonganya wându wângosyo syosope pawujo pakwe, nipo tachalekanganya mpele mwele jwakuchinga mwakusalekangani-chisya ngondolo ni mbusi.”

—Matayo 25:31, 32

Mpelaga mu Ngani Syambone syele singusalalichila, tiyichiwa iyoyo pa lyuwa lyele Mlungu mwa Klisto Yesu tachilamula ya mtemela ya mmitima ja wându.

—Aloma 2:16

“Ni watulamulile uwe kuti tula-lichile Ngani Syambone kwa wându ni kutendela umboni kuti jwalakwe ali jwamsagulwe ni Mlungu kuwa jwakulamula wându wâjumi ni wawe.”

—Masengo 10:42

## 8 CHIKULUPUSYO MWA KLISTO BASI

“Uneji ndili mlango, naga mundu akwinjila pa une, tachikulupuka. Nipo tachijinjala ni kukopoka kwakwe, ni tachisimana yakulya.”

—Yohane 10:9

Yesu wamjanjile kuti, “Une ndili litala ni usyenesyene ni umi. Pangali mundu jwakupakombola kwisa kwa Atati naga ngakupitila mwa une.”

—Yohane 14:6

“Ni ligongo lyakwe namsalile kuti timchiwila mu ulemwa wenu pakuti naga ngamkukulupilila kuti une ni jwele jwandili, timchiwila kwene mu ulemwa wenu.”

—Yohane 8:24

Pakuwa wosope walemwisye, ni walepele kwisa ku lumbili lwele

Mlungu waliganichisye. Nambo mtuka wa Mlungu wachisyoŵelo chakwe, akwalungamichisya ligoŵo lya chiwombolo chachili mwa Klisto Yesu.

—Aloma 3:23, 24

Kwa lyele ligongoli akupakombola kukulupusya kusyene weweŵo wakwisa kwa Mlungu mwa jwalakwe, pakuwa jwalakwejo akwete umi kundala syose achapopelelaga weweŵo.

—Ahebeli 7:25

“Nipo pangali jwine jwalijose jwele jwakupakombola kukulupusya wandu, pakuwa pa chilambo chosope chapasi pangali lina line lyele Mlungu lyapeleche kwa wandu lyakuti tukulupuche nalyo.”

—Masengo 4:12

Mlungu nijo juwamlumbikenye ni Klisto Yesu, nipo wamtesile jwelejo kuwa umanyilisi wetu. Jwelejo nijo jwaketugolochesya ni kutuswejesya ni chiwombolo chetu.

—1 Akolinto 1:30

Juwalipeleche msyene kwa liwamba lyetu kuti atuwombole mu yangalumbana yetu yosope, ni kutuswejesya kuti tuweje wandu wakwe wana mtawu pa yitendo yosope yambone.

—Tito 2:14

Ni mkwatogolela Atati watutesile wakuwajilwa kupochela nawo chakwinjila majumba cha waswela wa mwilanguka. Watukopwesye kutyochela mmachili ga chipi, ni watujinjisye mu uchimwene wa Mwa-

nagwao jwakunonyelwa. Mwa Jwelejo Mlungu watuwombwele ni watukululuchile yakulemwa yetu.

—Akolose 1:12-14

“Ligongo Mwanagwao mundu ayiche kwisa kukusosasosa ni kulupusya wandu wawasokonechele.”

—Luka 19:10

Nipo wajimbaga nyimbo jasambano jakuti, “Walakwe akuwajilwa kupochela bukuji, ni kumatukula yimatilo yakwe. Pakuwa mwaulajikwe, nipo ni miasi jenu mwamsumile Mlungu wandu wangosyo syosope, wa ndimi silisyose, nipo soni mtundu uliwose wa wandu.”

—Chiunukuko 5:9

## 10 KUOMBOLA KWA MIASI JA KLISTO

Mnopemnope menema, patulungamichikwe ni miasi jakwe tuchikulupuka mlutumbilo Iwa Mlungu.

—Aloma 5:9

Mwa jwelejo tukwete chiwombolo kulungulila mmiasi jakwe, kululuchikwa ulemwa wetu, malinga ni yakusichilisia ya chisyoŵelo chakwe.

—Aefeso 1:7

“Pakuti jeleji nijo miasi jangu jakusimichisia chilangano cha Mlungu. Miasi jeleji tinajisulusye ligongo lya ŵandu ŵajinji, kuti Mlungu ŵakululuchile ulemwa wao.”

—Matayo 26:28

Mkumanyilila chenene chele chiŵawombwele nacho kundamo syenu syangalumbana syele simwapo-

chele kwa achinangolo ŵenu. Nganamwombola ni ndalama syele syasikusajonasikaga mpela silifa kapena golodi, nambo ŵamwombwele ni miasi ja mtengo mnope ja Klisto, ŵele ŵaŵaliji mpela mwana ngondolo jwangali chipasipasi kapena liŵasi.

—1 Petulo 1:18, 19

Menema chamnopemnope miasi ja Klisto jikupakombola kutenda yakupundanganya. Mwa Msimu wandala syosope jwalakwe ŵalipeleche mpela mbopesi jangali chipasipasi kose kwa Mlungu. Miasi jakwe tijichiswejesya mitima jetu pakutyosya masengo gagali gamawe kuti mwatumichileje Mlungu ŵachijumi.

—Ahebeli 9:14

## UKULUPUSYO MWA CHIKULUPI MWA KLISTO 11

Pakuti mwa chisyoŵelo mkulupwiche kulungulila mchikulupi, yeleyi ngaŵa yiwumile kwenumwe, uli mtuka wa Mlungu. Mundu ngakukulupuka ligongo lya masengo gawe, kogopela kuti atakulikusya.

—Aefeso 2:8, 9

Menema, pakuŵa kuti tulungamichikwe ligongo lya chikulupi, uwe tukwete mtendele najo Mlungu kulungulila mwa Yesu Klisto Ambuje ŵetu.

—Aloma 5:1

... “Mkulupilile Ambuje Yesu, nipo timchikulupuka mmwejo....”

—Masengo 16:31

Ligongo jwalijose jwali mwanache jwa Mlungu, akusachigomeka chila-

mbo chapasi, chele chichikusatendekasyaga kuti tuchigomeche chilambo chapasicho nicho chikulupi chetu.

—1 Yohane 5:4

Menema ŵandu ŵala ŵambusisye kuti, “Ana tutende uli kuti tupanganye chenene masengo ga Mlungu?” Yesu ŵajanjile kuti, “Chele Mlungu chakusaka kuti mchitende ni chakuti mumkulupilile jwele Mlungu juŵamtumile.”

—Yohane 6:28, 29

Nambo yeleyi yilembekwe kuti mkulupilile kuti Yesu ali Klisto jula, Mwanagwao Mlungu, nipo kuti pakulupilila mkoleje umi mlinalyakwe.

—Yohane 20:31

Ajinichilwe Mlungu niwo Atati wâ Ambuje wêtu Yesu Klisto. Wêle wâli Atati wâchanasa, ni Mlungu wâkutulasya mitima josope.

—2 Akolinto 1:3

Wâtukulupwisye nga wâga ligongo lya yitendo yetu yakulungama yitwatesile twachimsyene, nambo malinga ni chanasa chawo wâtukulupwisye, mwakoswa ni kupagwa soni mkulinganyichikwa ni Msimu Wâswela.

—Tito 3:5

Pakuti Mwanagwawo mundu wâ-yiche kwisa kukulupusya chele chichasochelele. “Mkuganisa uli? Mundu pati akwete ngondolo 100, nipo jimo jikwasika, ana ngasileka

99 sila mwitumbi ni kwawula kuku-sosasosa jimo jajisochelele jila? Mwambone ngumsalila kuti pati aji-simene, kusangalala kwakujisangalalila jelejo kukusapundanganya chisangalalo chakwe chakusisangalalila sine sila syele syanganisisochelela. Iyoyopeyo, Atati wênu wâ kwini ngakusaka kose kuti atamose jumo jwa wânache wâ ajonasiche.”

—Matayo 18:11-14

Menema kwende tu wândichile mwangatenda woga ku chitengu cha uchimwene wa Mlungu jwana chisyowelo kuti tupochele chanasa, ni tutusimane chisyowelo chakutukamuchisya panda wâ jakusowâ.

—Ahebeli 4:16

## MLUNGU AKUTUWILANGA KWISA KUKWAO 13

Nipo Msimu ni Mwali jwa ulombela akuti, “Jisani!” Jwalijose jwakupilikana maloŵega, aŵechete soni kuti, “Jisani!” Jwalijose jwajikumkola njota, ayiche, jwakugasaka, amwe mwalulele mesi ga umiga.

—Chiunukuko 22:17

Nambo lyuŵa lyakumalisya chindimba chila lyaliji lyalikulungwa. Pa lyele lyuŵali Yesu ŵajimi achiŵechetaga mwakunyanyika maloŵe kuti, “Naga apali mundu jwajimkwete njota, ayiche kwa une kuti amwe.”

—Yohane 7:37

Paŵalolite Yesu yeleyi ŵadandawile, ni ŵasalile kuti, “Mwalecheni ŵanache ayiche kwa une, kasimwalekasya, pakuti Uchimwene wa Mlu-

ngu uli wao ŵati iyiyiŵa.”

—Maliko 10:14

“Mjise kukwangu, ŵanganyamwe wosope ŵamkupela ni ŵakusitopelwa, nipo une tinampumusye.”

—Matayo 11:28

“Pajakwanile ndaŵi ja chakulya, ŵatumile jwaketumichila jwakwe kukwasalila wosope ŵaŵaŵilasile kuti, ‘Mjise, chakulya tumasile kulinganya.’”

—Luka 14:17

Menema uwe tuli ŵakutumwa mmalo mwa Klisto, Mlungu akumdandawulila kulungulila mwetuwe, nowe tukumchondelela ŵanganyamwe kwa liŵamba lya Klisto kuti mjilanichikwe ni Mlungu.

—2 Akolinto 5:20

## NGAWA WANAWOSE ALI WANACHE WA MLUNGU

Kulekangana kwakwe pasikati pa wânache wâ Mlungu ni wânache wâ Satana kukusawonechela mlitala lya-kuti, jwalijose jwangakutenda ya chilungamo, kapena kuti jwangakumnonyela mjakwe, ngana wâ kose mwanache jwa Mlungu.

—1 Yohane 3:10

Paku wâ waliwose wakulongolelwa ni Msimu wa Mlungu, welewo ali wânache wâ Mlungu.

—Aloma 8:14

Kuti mbeje wangali magambo ni wangali ulemwa, wânache wâ Mlungu pasikati pa uwelesi wakunyenya ni wakugongomala, pasikati pa

wêle wându wâ wanganyamwe mbonche mpela lilanguka lya ndondwa syakulanguchisya chilambo chapasi.

—Afilipi 2:15

Ne ligongo lyakwe Ambuje akuti, “Kopokani pasikati pao, ni mbeje wapajika. Kasimkwaya cha usakwa, nipo none tinjimpochela, ni timbeje kukwenumwe atati, nipo wanganyamwe timbe kwangune wânache wangu wachalume ni wachakongwe, akuti Ambuje wamachiligose.”

—2 Akolinto 6:17, 18

Nambo wându wosope wawampochele ni kumkulupilila, jwelejo wapele machili gaku wâ wânache wâ Mlungu.

—Yohane 1:12



## YAKUTI MLUNGU PA CHAKUMWA CHAUKALI

15

Tukajende mu ukoto mpela mwa-  
kwendela wându musu, pakapagwa-  
ga yakutunduka, kapena kukolelwa,  
ngaŵa mchilyelye ni mchisembwe-  
le, ngaŵa mu umani ni wiu. Nambo  
mwawale Ambuje wêtu Yesu Kli-  
sto, mkapeleka lipesa kuti chiilu  
chitende yakupila yakwe.

—Aloma 13:13, 14

Yitendo yandamo syakunonyela  
yangalumbana yikusawonechela pe-  
langa, niyo ayi: chilyelye, kutenda  
yausakwa, chisembwele, kulambila  
mitembe, usaŵi, kuwêngana ni ku-  
menyana, wiu, kutumbila, kulino-  
nyela, utindani, ni kupanduchilana,

machisu, masegwe ga paukana, ku-  
mwelesya ni soni yine yati mpela  
yeleyi. Ngumgombelesya sambano,  
mpela munatendele kala mula, kuti  
wânganyawo wâkusatenda yati  
mpela yeleyi, ngasapochela kose  
uchimwene wa Mlungu.

—Agalatia 5:19-21

Pakuŵa tachiŵa jwamkulungwa  
pameso pa Ambuje, ngasamwa kose  
mfinyo kapena chinepe chakukole-  
lwesya. Kutandilila pakupagwa pa-  
kwe tachiŵa jwakulongolelwa ni  
Msimu Wâswela atamose pakutyo-  
chela mchitumbo cha achikulugwe.

—Luka 1:15

Yesu wamsalile kuti, “ ‘Mwano-nyele Ambuje Mlungu wenu ni mti-ma wenu wose, ni lunda lwenu lose.’ Lyeleli ni lilamusu lyaliku-lungwa soni lyandanda.”

—Matayo 22:37, 38

Yesu pa waliji mkutyoka kuti ajawuleje, mundu jwine wawutuchile ni kwatindi walila pa malungo gao achitiji, “Mwalimu jwambone, ana ndende chichi kuti ngapochele umi wangamala?” Yesu wamsalile kuti, “Ligongo chichi mkundenda jwambone? Jwambone jikape nijo Mlungu. Malamusi mkugamanyilila gaku-ti, kasimbulaga; kasimtenda chikululu, kasimjiwa, kasimtenda umboni wa unami, mkasimumlambu-

chisya mjenu, mwachimbichisye baba wenu ni mama wenu.” Mundu jula wajanjile kuti “Mwalimu, malamusi gelega ngugasunga kutandilila uchanda wangu.” Yesu wamllechisye ni wamnonyele, nipo wamsalile kuti, “Chindu chimo chikumsowa, mjawule mkasumisye yosope yamkwete, ndalama syakwesyo mkape wandu wakulaga, nipo timchikola chipanje kwini ni mjise kunguya une.” Mundu pa wapikene yeleyi, ngope jakwe jaliji jakudandaula mnope, ni wagambile kutyoka ali jwakusinjinka pakuti wali jwakusichila mnope.

—Maliko 10:17-22

Mkanyenjekwa, Mlungu ngakute-ndekwa chipongwe, pakuti chakupanda mundu chili chose, tachigowola chichocho pecho. —Agalatia 6:7

Ana ngamkumanyilila kuti wandu wangalumbana ngasajinjila mu uchimwene wa Mlungu? Mkasimnyenjekwa, pakuwa atamose wa chilye-lye, wakujilambila mitembe, wa chikululu, wakulisakasya ni achalume achimjawo, wawiyi, waumbo-mbo, wakukolelwa, wakusinjilila wane, kapena wachikwaku, ngasajinjila kose mu uchimwene wa Mlungu. —1 Akolinto 6:9, 10

Mundu jwine jwalijose akasamnyenga ni malowe gangali mate,

pakuti yindu yati iyiyi yikusa-yichisya lutumbilo lwa Mlungu kwa wandu wakupwanya. —Aefeso 5:6

Mbeje wakutenda yigakuti malo-we, nga wa wakwamba kupikanape, mchililambusyaga mwachimsyene. —Yakobo 1:22

Pakuwa naga mundu akuliganisya kuti ali mwakandu posepo ali jwamtega, akusagamba kulinyenga. —Agalatia 6:3

“Pakuti tachiyika wandu wajinji mlina lyangu tachitiji, ‘Une ndili Mkulupusyo juwalochesye jula,’ nipo tachasochesya wandu wajinji.” —Matayo 24:5

Ulemwa wayiche mchilambo chapasi ligongo lya mundu jumo, nipo ulemwawo wayichisye chiwa. Ni iyoyo chiwa chajenele kwa wându wosope, pakuwâ kuti wosope wâlemwisye.

—Aloma 5:12

Nipo msesewo ukusawêleka ulemwa, nipo ulemwa pati utamilichiche ukuwêleka chiwa.

—Yakobo 1:15

“‘Nambotu tukwenela kusangalala ni kukondwa, mpwenuju wâlijijwambwe, nipo akwete umi, wâsokonechele, nipo awoneche.’”

—Luka 15:32

Pakuwâ maganisyo ga chiilu nicho chiwa, nambo maganisyo ga msi-

mu, uli umi ni chitendewêle. Mene-ma maganisyo ga chiilu gakusawêngana ni Mlungu, ligongo wându wâti iyoyo wângapikanila kose ulamusi wa Mlungu, pakuti ngapakombola kose kuti apikanile.

—Aloma 8:6, 7

Pakuwâ malipilo ga ulemwa nicho chiwa. . . .

—Aloma 6:23

“‘Nambo wându wâwoga ni wângakulupichika, wâkunonyela yakusakala, wâkuulaga achimjao, wâlilama, asawi, wâkulambila mitembe, ni wându wosope wâunami kumalo gao niko ku nyasa ja moto wekolele ni maganga ga sulufule. Chelechi nicho chiwa chakawili.’”

—Chiunukuko 21:8

Nambo Msimu Waswela wasimichisye mwamachili kuti nijo. Mwanache jwa Mlungu pakumjimusya ku wawe. —Aloma 1:4

Paŵaŵechete yeleyi, ni ŵagumisile achitiji, “Lasalo, kopokani!” Nipo mundu juŵawilejo ŵakopweche, ali jwamtawikwe mmakongolo ni mmakono ni sanda. Ni pangope jakwe paliji papaŵilije ni nguo....” —Yohane 11:43, 44

“Atati akusanonyela une ligongo ngwasila umi wangu kuti ngaujigale soni. Pangali mundu jwakusumula umi wangu, nambo nguujasa namsyene. Ngwete machili gakuujasila umi wangu, nipo ngwete machili gakuujigalila soni. Lilamusili nali-

pochele kwa Atati wangu.” —Yohane 10:17, 18

Nipo paŵaŵandichile ni ŵakwayiye chindanda, ŵandu ŵaŵanyakwile malilo ŵala ŵajimi, nipo Yesu watite, “Jwamchandamwe ngumsalila kuti, jimukani.” Papopo jwambwe jula ŵajimwiche ni kutama nipo watandite kuŵecheta.... —Luka 7:14, 15

“Jwamjumi; none naliji jwambwe, ni mlole ngwete umi mpaka kundala syosope. Ngamulile mbugulilo sya Chiwa ni Chilambo cha wandu wawe.” —Chiunukuko 1:18

Mmagongo jwakumalichisya jwele Mlungu jutachimmasya machili, nicho chiwa. —1 Akolinto 15:26

“Ana lilamusi lyapi lyalikulungwa pa malamusi gosope ga Mlungu?” Yesu wamsalile kuti, “Mwanonyele Ambuje Mlungu wenu ni mtima wenu wose, ni lunda lwenu loso.’ Lyeleli ni lilamusi lyalikulungwa soni lyandanda. Lyakaŵili lyakulandana nalyo ni ali, ‘Mumnonyeleje mjenu mpela mwamkulinyelela mwasyene.’ Malamusi gosope ga Musa soni yosope yiŵajiganysye wakuochesya, yikusasimankwa pa malamusi gaŵiliga.”

—Matayo 22:36-40

Yesu wajanjile kuti, “Lilamusi lya lipundile mnope ni ali, ... ‘Ambuje Mlungu wetu, welewo jikape ali Ambuje, nipo mwanonyeleje Ambu-

je Mlungu wenu ni mtima wenu wosope, ni umi wenu wosope, ni lunda lwenu losope, ni machili genu gosope.’ Lilamusi lyakaŵili nilyo ali: ‘Mumnonyeleje mjenu mpela yamkuti pakulinonyela mwasyene.’ Pangali lilamulo line lyakupunda gelega.”

—Maliko 12:29-31

Lilamulo lya sambano menema ngumpa, lyakuti mnonyelaneje. Mpela une yindite pakumnonyela, nomwe wakwe mnonyelaneje.

—Yohane 13:34

“Mpela mwele mwakunonyelela une Atati, none soni ngumnonyela wanganyamwe mtameje mchinonyelo changuchi.”

—Yohane 15:9

## NGAIKOMBOLEKA KULISISA PAMESO PA MLUNGU

21

Pangali kandu kakasisikwe kele kangawonechela pameso pa Mlungu, nambo yosope yili pelanga ni yakuwuka pameso pa Jwalakwe jwele jwatukuwajilwa kumsalila yosope.

—Ahebeli 4:13

“Pakuti ngapagwa chakusisika chitichiwe changamanyika, atamuno chamtemela chatichiwe changamanyika ni kuwonechela pelanga.”

—Luka 8:17

“Watesile yeleyi kuti wanduwo amsoseje Mlungu ni chilolelo chakumpapasya ni kumsimana. Nambotu Mlungu nganawa kose pakutalika ni jwalijose jwetuwe, mpelaga mundu jwine watite, ‘Mwa Jwalakwe tukusi-

manikwa wajumi ni kwendajenda ni kutamilichika.’ Ni mpela soni wane wakwimba nyimbo wenu watite, ‘Nowe wakwe soni tuli wanache wakwe.’ ”

—Masengo 17:27, 28

Ni soni “Ambuje akumanyilila maganisyo ga wandu wa lunda kuti gali gamtega.”

—1 Akolinto 3:20

Menema mkasimpeleka chilamusu mkanikayiche katema kakwe, mkanyiche Ambuje, wele watachiyikopochesya pelanguka yakusisika yosope ya chipi, nipo tachijuwula maganisyo ga mmitima mwa wandu. Pelepo mundu jwalijose tachipochela chitogolelo kutyochela kwa Mlungu.

—1 Akolinto 4:5

## CHILANGO CHAMUYAYA CHAWANDU WANGAMKULUPILILA MLUNGU

“Mwanagwawo mundu tachigatuma malayika gakwe, nipo tachityosya mu Uchimwene wakwe wandu wosope wakwalemwasya achimjawo, nipo soni wandu wosope wakutenda yangalumbana, nipo tachaponya mundukutila ja moto....” —Matayo 13:41, 42

Wele wanduwa tachipochela kuu-ndwa, niko konasika kwa ndala syosope, kutalikangana ni ngope ja Ambuje ni lumbili lwa machili gakwe.  
—2 Atesalonika 1:9

Nambo ya kwinani ni yapasi pano yele yayili sambano yikusunjikwa ni chilamulo chichocho cha Mlungu, kuti tichichionanjikwa ni moto.

Yikwamba kusunjikwa kwichila lyu-wa lyele litachilamula ni kwajonanga wandu wosope wangakusamala ya Jwalakwe.  
—2 Petulo 3:7

“Naga mkono wenu pane lusajo lwenu lukumlemwekasya, mlukate ni kulujasa. Kuli kwambone mmwejo mkajinjile ku umi mli walemale kapena wapunduche, kupundana kuti mkaponyekwe kumoto wangamala mlimkwete makono pane sajo syosope siwili.”  
—Matayo 18:8

“Papopo wanganyawo tachityoka kwawula ku yipotesi yangali pambe-si: nambo wakulungama wala tachi-jawula ku umi wangamala.”  
—Matayo 25:46



“Pakuwa awichile chilepe lyuwa litachilamula chilambo chosope chapasi mchilungamo kwa mundu jwamsagwile jula. Apeleche chisimichisyo kwa jwalijose paku-mjimusya mundujo ku wawe.”

—Masengo 17:31

Nipo Ambuje akumanyilila kwakulupusya wandu wakusamala ya Mlungu mkulingwa kwao, ni kwaisunga wangalumbana pa kuwundwa pa Lyuwa Iya Kulamula.

—2 Petulo 2:9

Pakuwa wosopewe tukwenela kuwonechela ku chitengu chakulamula cha Klisto, kuti jwalijose apochele yambone kapena yangalumbana, ma

linga ni yiwatesile mchiilu.

—2 Akolinto 5:10

Mundu jwalijose akusawaga kamope, nipo panyuma pakwe akusalamulwa.

—Ahebeli 9:27

Naweni soni wandu... wawe, achakulungwa ni wanache wakwe, wajimi pawujo pa chitengu cha uchimwene chila, nipo mabuku gawunukulidwe. Ni wawunukwile buku jine soni, jele jaliji buku ja umi. Nipo wandu wawe wala walamuligwe pakugalolechesya masengo gao mpela mugalembechele mbukujo.

—Chiunukuko 20:12

Iyoyo menema jwalijose jwetuwe tachiliwalanjila jika msyene magambo gakwe kwa Mlungu.

—Aloma 14:12

Nambo ngaŵa kuti mtuka walulele wa Mlungu ni kulemwa kwa Adamu kuti yili yakulandana ngwamba. Pakuŵa ŵandu ŵajinji ŵawile kwa ligongo lyakulemwa kwa mundu jumopejo, nambo chisyoŵelo cha Mlungu ni soni mtuka wakwe wachisyoŵelo wa mundu jumojo Yesu Klisto kwa ŵandu ŵapawinji.

—Aloma 5:15

Menema chachikulungwa ngaŵaga yeleyi yakuyisaka mundu, kape-na yele mundu yakusalingaga kute-nda, nambo chachikulungwa nicho chanasa cha Mlungu. —Aloma 9:16

Pakuti mkumanyilila chisyoŵelo cha Ambuje Yesu Klisto, chati atamose ŵaliji jwakusichila, ŵatende-

kwe jwakulaga ligongo lya ŵanganyamwe, kuti ni kulaga kwakweko ŵanganyamwe mbeje ŵakusichila.

—2 Akolinto 8:9

... “Mlungu akusiŵakana ŵakulikwesya, nambo akupeleka chisyoŵelo chakwe kwa ŵakulitulusya.”

—1 Petulo 5:5

... Nambo piwatupile ulemwa, chisyoŵelo cha Mlungu chatupile mnope. Yaliji kuti, mpela ulemwa waliji mkulamulila ŵandu ni soni kwinjisya chiwa pa ŵanganyawo, iyoyo nombe chisyoŵelo cha Mlungu chalamulile pakwalungamisia ŵandu kwamnope, ni kwayichisya ku umi wangamala mwa Yesu Klisto Ambuje ŵetu.—Aloma 5:20, 21

“Mlungu wâkululuchile wându pandaŵi syele siŵaliji wângamanyilila, ni sambano akwalamulila wosope kukulikoseko kuti apitikuche mitima jao.”  
—Masengo 17:30

“Nambo ngumsalila kuti naga ngamkupitikuka mtima, nomwe wâkwe tachimjonanga mpela wêlewo.”  
—Luka 13:3

Wâtiji, “Mpitikuche mtima wenu, Pakuti Mlungu ali chiŵandika kuwutamilisya Uchimwene wakwe sambano.”  
—Matayo 3:2

Petulo ni wâsalile kuti, “Mpitikuche mtima, nipo jwali jose abatiswe mlina lya Yesu Klisto kuti mkululuchikwe ulemwa wenu nipo timchipochela mtuka wa Msimu Wâswela

Mpitikuche mitima menema ni kuwujila kwa Mlungu kuti amtyochesye ulemwa wenu.”

—Masengo 2:38; 3:19

Pakuti chidandawulo chakwitichiswa ni Mlungu, chikusampitikusya mundu mtima mpaka ku ukulupusyo, nipo mundujo ngakuŵa soni jwakuligamba, nambo kudandawula kwa chilambo chapasi chikusayichisya chiwa.  
—2 Akolinto 7:10

Nipo Yesu wâsalile kuti, “Sawasawa kwinani tikuchiŵa chisangalalo ligongo lya mundu jumo jwa ulemwa jwapitikwiche mtima wakwe, kupunda wându 99 awo wâli wângali ligongo lyakupitikuchila.”

—Luka 15:7

“Pakuti naga mkwakululuchila wându yakusoya yao, Atati wenu wâ kwini tachimkululuchila soni mmwejo.”  
—Matayo 6:14

Nipo Yesu pa wâchiweni chikulupi chawo chila, wâmsalile mundu jwakulwala jula kuti, “Mwanangu, ulemwa wenu ukululuchikwe.”

—Maliko 2:5

“Mlole, ngwima pa mlango ni ngupoposya. Jwine naga akulipilika na lilo wê lyangu, ni kuugula, tinjinjile kwa jwelejo ni kulya najo jwelejo noneji.”—Chiunukuko 3:20

“... Kutyochela kwa Yesu, Ngani Syambone syakukululuchila ulemwa silalichikwe kukwenu. Jwelejo Mlu-

ngu wâmkwesisye ni mkono wakwe wamlyo ku wâ jwakulongolela soni Mkulupusyo, kuti melepe wape Ayisulayeli nganisyo syakupitikuka mtima ni kululuchikwa ulemwa.”

—Masengo 13:38; 5:31

“Nipo mlina lyakwe malo wê gwambaga kupitikuka mtima ni kulululuchikwa kwa ulemwa galalichikwe kwa wându wâ ngosyo syosope kutandilila ku Yelusalemu.”

—Luka 24:47

... Menema Yesu wâmsalile kuti, “None jwakwe ngangumgomeka ngwamba. Jendagani, nambo kutandilila sambano mkalemwa soni.”

—Yohane 8:11

## KULITYOSYA KU YAMCHILAMBO

27

Pakuwa Mlungu atulanjisyeye chisyoŵelo chakwe chakusaka kukulupusya wandu wosope, chakutujiganya uwe kuti, tuyikane yanganonyelesya Mlungu, ni soni yilakolako ya chilambo chapasi, tutameje kwakuligosa ni kwakulungama pa chilambo chapasi chino. —Tito 2:11, 12

Wikani mtima wenu pa yindu ya kwinani ngaŵaga ya mchilambo muno. —Akolose 3:2

Mkajinjilila masengo gangasogola kose ga chipi, nambo mgajamucheje. —Aefeso 5:11

Mkasimchinonyela chilambo chapasi, atamose yindu yangalumbana yayili mchilambo chapasi. Naga

mundu akuunonyela ungalumbana wa chilambo chapasi, mwa jwelejo mwangali chinonyelo cha Atati. Pakuwa yosope ya pasi pano, yakupila ya mchiilu, yindu yayikumbika ni meso ni kuyisachilila, ni yana yose ya mchilambo chino yele wandu yakupoka nayo, yosopeyi ngayikutyochema kwa Atati, nambo ku chilambo kuno. —1 Yohane 2:15, 16

Wanganyamwe wandu wangakulupichikamwe! Ana ngamkumanyilila kuti kutenda uganja ni yapasi pano niko kuwengana ni Mlungu? Iyoyo mundu jwakusaka kutenda uganja ni yapasi pano, jwelejo akulitenda mmagongo jwa Mlungu.

—Yakobo 4:4

Naga mkumanyilila kuti Klisto ali jwakulungama, mmanyilile soni kuti jwalijose jwakitenda yakulungama, ali mwanache jwa Mlungu. Tuku-manyilila kuti jwalijose jwele jwali mwanache jwa Mlungu ngakusale-mwa-lemwa, akusasunjigwaga ni Yesu Mwanagwao Mlungu, ni ligo-ngo lyakwe Jwakusakala jula ngakumkwaya kose.

—1 Yohane 2:29; 5:18

Lyele ligongoli naga mundu ali mwa Klisto, ali jwampanganyikwe mwasambano. Yakala yipite, nipo yele yayipali yili yasambano.

—2 Akolinto 5:17

Yesu watite, “Kusyenesyene ngum-salila kuti naga mundu ngakupa-

gwa soni, ngakupakombola kuwuwona uchimwene wa Mlungu.”

—Yohane 3:3

... Nambo mwakulumuligwe, nipo mwaswejeswe, nipo mwalungamichikwe mlina lya Ambuje Yesu Klisto, nipo soni mwa Msimu wa Mlungu wetu. —1 Akolinto 6:11

Pakuwa kulungulila mwa maloŵega Mlungu gagakukosya umi ni kutamilichika mwa wanganyamwe mwaŵelekwe soni mti wanache wa nangolo jwele jwali jwakulama chilamile, ngaŵa jwakonasika.

—1 Petulo 1:23

... Nambo une yiche kuti ngondolo sikole umi, umi wakwe wapawinji.

—Yohane 10:10

## KUWA MUSAMBI-KUSYUKA MWA KLISTO 29

Nipo Jwelejo wamkosisye wanganamwe umi pamwaliji wawe ligo-ngo lya kusoya ni ulemwa wenu. Ni watujimwisye ku wawe pampepe najo, nipo watupele liwuto pampepe najo mu ya kwini, mwa Klisto Yesu.  
—Aefeso 2:1 ni 6

Klisto msyene watwichile yakulemwa yetu mchiilu chakwe pa msalaba kuti tuleche kuwa mu ulemwa, nambo tukuyichisyeje chilungamo mu umi wetu. Mwa maŵanga gawe mposile.  
—1 Petulo 2:24

Menema naga mwajimwiswe pampepe ni Klisto, iyoyo msoseje yindu yayili kwini kwele kwali Klisto achitamaga ku mkono wamlyo wa Mlungu. Wikani mtima we-

nu pa yindu ya kwini ngaŵaga ya mchilambo muno. Pakuti mwawile, nipo umi wenu uli wakusisika pampepe ni Klisto mwa Mlungu.

—Akolose 3:1-3

Ŵele wali wakwe wa Klisto Yesu, wakomelwe pa msalaba pamo ni ndamo jao jakunonyela yangalumbana, pampepe ni yakupila yakwe ni misese jakwe. Pakutipo Msimu atupele uwe umi; akuŵajilwa soni kulamulila umi wetu.

—Agalatia 5:24, 25

Iyoyopeyo nomwe mlitendeje mti wawe, yakwambaga ulemwa, nambo mti wajumi kwa Mlungu mwa Klisto Yesu.  
—Aloma 6:11

Naga mundu akupanda yilakolako ya chiilu chakwe chitachigowola, nicho chiwa. Nambo mundu jwakundile kuti Msimu Waswela umlongolele chitachigoola, niwo umi wangamala. —Agalatia 6:8

“Nipo umi wangamalawo ni wakuti wamanyilile walakwe ni soni Yesu Klisto jumwamtumile.”

—Yohane 17:3

“Mundu jwakukulupilila Mwanachejo, akwete umi wangamala. Nambo jwangakukulupilila Mwanachejo, ngasauwona kose umi, nambo lutumbilo lwa Mlungu tuluwe pa jwelejo.”

—Yohane 3:36

...Mtuka wa lulele wele Mlungu wakusapeleka, niwo umi wangama-

la mwa Klisto Yesu Ambuje wetu.

—Aloma 6:23

“Kusyenesyene ngumsalila, mundu jwakupilikana malo we gangu ni kwakulupilila wawandumilewo, akwete umi wangamala nipo ngasalamulwa, nambo amasile kopoka mchiwa ni kwinjila mu umi.”

—Yohane 5:24

...Ni lisosa lyao ni chisyo we lo... Nambo sambano Mlungu atujuwulile yeleyi mwakuyika kwa Mkulupusyo jwetu, Klisto Yesu, wele wagamasisye machili ga chiwa, nipo mu Ngani Syambone walanjisyeye pelanga umi wele wanga wa kose mkuwa. —2 Timoteo 1:9, 10



Msimu usyenewo ukusatendela umboni ni msimu wetu kuti tuli wana-  
che wa Mlungu. —Aloma 8:16

Sambano umboni ni wakuti Mlungu watupele umi wangamala, nipo umi welewu ukutyochela kwa Mwanagwao. Jwalijose jwali ni Mwanache-  
jo, akwete umi. Jwalijose jwele jwan-  
gana wa kose ni Mwanagwao Mlungu, ali jwangali umi kose. Wangan-  
yamwe wamkukulupilila Mwanag-  
wao Mlungu namlembele yeleyi  
mmanyilile kuti soni mkwete umi  
wangamala. —1 Yohane 5:11-13

“Mundu jwele jwakugapochela ma-  
lamulo gangu, ni kugasunga, jwelejo  
ni jwakusanonyelaga. Nipo Atati wa-  
ngu tachimnonyela jwelejo jwele

jwakunonyela une. None jwakwe ti-  
njimnonyela mundujo, nipo tinjili-  
lanjisywa kwa jwelejo.”

—Yohane 14:21

Pakusaka kusimichisya kuti wanga-  
nyamwe mli wanache wakwe, Mlu-  
ngu watumisye Msimu wa Mwanag-  
wao kwinjila mmitima jetu, uchi-  
gumilaga kuti, “Abba! niko kuti,  
Atati!”

—Agalatia 4:6

Tukumanyilila kuti tukusatama chi-  
tamile mwa welewo, ni welewo  
mwetuwe, ligongo watupele Msimu  
wakwe.

—1 Yohane 4:13

Naga tukugagosa malamulo ga  
Mlungu, papopo tutupakombole ku-  
manyilila kuti tumasile kwamanya.

—1 Yohane 2:3

## KLISTO JWAKUTAMA MKATI AKUPELEKA LUKONDWA

“Nambo sambano ndili mkwisa kwa wâlakwe, nguwecheta yeleyi pandili mchilambo chapasi pano kuti mitima jao jigumbale ni lukondwa lwangu.” —Yohane 17:13

“...Nambo tinjimbona soni. Pelepo mtima wenu tiuchisangalala, nipo ngapagwa mundu jutachimsumula lukondwalo.” —Yohane 16:22

Pakuwa uchimwene wa Mlungu, nganiuwa chakulya ni chakumwa ngwamba, nambo chilungamo, mte ndele ni chisangalalo, mwa Msimu Waswela. —Aloma 14:17

“Une nakomelwe pa msalaba pampepe ni Klisto, kwakuti nga wa

soni une jwele jwandili ni umi, nambo Klisto jwele jwali ni umi mwa une. Umi wele wangwete sambano mchilambo achino, uli umi wakulupilila Mwanagwao Mlungu, jwele juwanonyele une, juwapeleche umi wakwe ligongo lya une.”

—Agalatia 2:20

“Namsalile yeleyi kuti lukondwa lwangu tuluwe mwa wanganyamwe, nipo lukondwa lwenu luwe lwalumalilwe.” —Yohane 15:11

Jwalakwejo nganimumboneje, nambo mkusimumnonyelape. Atamose kuti ngamkumbona sambano, mkusimukulupilila ni lukondwa lwanaganjika. —1 Petulo 1:8

## **KUMPIKANILA AMBUJE KULI KWAKUSOSEKWA 33**

Ana ngamkumanyilila kuti naŵa-ga mkulipeleka kuŵa achikapolo ŵa mundu jwine ni kumpikanilaga, menema pelepo ŵanganyamwe mli achikapolo ŵa mundujo jwamkumpikanila. Atamose kuŵa ŵa ulemwa tumlongolele mpaka ku chiwa, kapena pakupikanichisya tumlongolelwe mpaka ku chilungamo.

—Aloma 6:16

Menema sambano ŵanganyamwe mkusawuswa, tachitupumusya pampepe nowe ŵakwe. Tachiyitenda yeleyi patachiyika Ambuje Yesu kutyochela kwini pampepe ni malaika gakwe ga machili. Tachiyika ni moto wekolechesye chile, nipo

tachapa lusawusyo ŵele ŵakakummanyilila Mlungu ni ŵele ŵanganasipilikanichisya Ngani Syambone sya Ambuje ŵetu Yesu Klisto. Ŵele ŵanduŵa tachipochela kuundwa, niko konasika kwa ndala syosope, kutalikangana ni ngope ja Ambuje ni lumbili lwa machili gakwe.

—2 Atesalonika 1:7-9

Pakuŵa ŵandu ngakuŵa kose ŵakulungama pameso pa Mlungu ligo-ngo lyakwamba kugapilikana malamusipe ngwamba. Nambo awopewo ŵakugasunga malamusi ni ŵelepe-wo Mlungu tachalungamisya.

—Aloma 2:13

## KUMJITICHISYA KLISTO KULI KWA KUSOSEKWA

Nipo lulimi luli lose lujitichisye kuti, “Yesu ali Ambuje,” lumbili kwa Mlungu Atati. —Afilipi 2:11

“Jwalijose jwakunjitichisya une pameso pa wându, none jwakwe tinjimjitichisya pameso pa Atati wângu wâ kwini. Nambo jwalijose jwakuwêcheta pameso pa wându kuti ngakumanyilila une, none jwakwe soni tinjiwêcheta pameso pa Atati wângu wâ kwini kuti ngangumanyilila.”  
—Matayo 10:32, 33

Ligongo naga mkwitichisya pakamwa penu kuti Yesu niwo Ambuje, soni naga mkukulupilila mumtima

wenu kuti Mlungu wamjimwisye Yesu ku wawe, timchikulupuka. Pakuwa mundu akuwajilwa kukulupilila ni mtima wakwe, kuti Mlungu amlungamichisye, nipo akuwajilwa kwitichisya chikulupi chakwecho pakamwa pakwe kuti akulupuche.

—Aloma 10:9, 10

“Na waga mundu tatende soni pakogopa kulalichila ya majiganyo gangu, nombe Mwanagwao mundu tachimtendela soni jwelejo panda wi jitachiyika mlumbili lwakwe ni mlumbili lwa Atati pampepe ni malayika waswela.” —Luka 9:26

## SATANA – MMAGONGO JWAMKULUNGWA 35

Mtameje wâkuligosa, mlindilileje. Mmagongo jwenu Satana akwenda-jenda mpela lisimba lyakutongola lichimsosaga jwakuti amlye. Mtami-lichiche mchikulupi chenu....

–1 Petulo 5:8, 9

Panyuma pakwe Msimu wamlongolele Yesu kwawula mwipululu kuti akalinjikwe ni Satana. Nambo Yesu watite, ‘Tyokani, Satana! malembe gakuti, ‘Mkalambileje Ambuje Mlungu wenu, nipo wawowope-wo mwatumichileje.’” Papopo Satana jula walesile, ni mlole, wayiche malayika kukwatumichila Yesu.

–Matayo 4:1 ni 10, 11

Pambesi nguti, mlimbichileje mwa Ambuje ni mkulimbika kwa machili

gakwe. Mbwale yida yakumenyani-la yosope Mlungu yakumpa, kuti mpakombole kulimbichila pakukana ukalamusi wa Satana.

–Aefeso 6:10, 11

Pakuti yida ya ngondo jetu ngani-yiwa ya chiilu, nambo yikwete machili gakutyochela kwa Mlungu gakugumulila maboma.

–2 Akolinto 10:4

...Jwelejo waliji jwakuulaga wandu chitandilile pakutanda pene. Nganawa kose ni usyenesyene ligo-ngo mwa jwelejo mwangali usyenesyene.... Pakuti jwelejo ali jwa unami, soni ali atati jwa wosope wa unami.

–Yohane 8:44

## KUMKOMBOLA SATANA

Sambano pakuwa wanachewo ali wandu, wakwete miasi ni mnou, Yesu jwene watendekwe kuwa mundu mpela wanganyamwe. Jwala-kweju watesile yeleyi kuti ni chiwa amjonanje Satana, jwele juwakamulile machili ga chiwa.

—Ahebeli 2:14

Mundu jwakusalemwa, ali jwakwe jwa Satana, pakuwa Satana ali jwakulemwa chitandilile pakutanda. Mwanagwao Mlungu wawonechele ni chakulinga chakuti ajonanje yitendo ya Satana. —1 Yohane 3:8

“Kweleko mmwejo mkaugule meso gao ni kwagalawusya kutyochema mchipi cha Satana ni kuja mwila-

nguka lya Mlungu, awo wawuli umanyilisi wakuleka ulemwa ni kukuya umbone wa lilanguka lya Mlungu ni soni pakungulupilila une, ulemwa wao tiuchikululuchikwa ni kupochela liwuto pasikati ja wandu wasagulwe ni Mlungu.”

—Masengo 26:18

Sambano ana wani tatulekanganye ni chinonyelo cha Klisto? Ana kula-ga, kapena ipotesi, kapena masawusyo, kapena chilala, kapena usawuchi, kapena upandu, kapena soni kuwulajikwa? Ngwamba, mu yindu yosopeyi tupundile kukombola ligo-ngo lya welewo wawatunonyele.

—Aloma 8:35 ni 37

# CHINONYELANO NDICHO CHIMANYILILO CHA MUNDU JWAKWAKULUPILILA AMBUJE

37

Atamose ningawechete yiwecheto ya chilendo kapena soni ya malayika, nambo naga nganingola unoyelo, ndili mpela chisyano chachikusona kapena chinganga chele chichikutenda masegwe.

—1 Akolinto 13:1

Nambo chisogosi cha Msimu nicho: unonyelo, lukondwa, mtendele, kupimilila, chanasa, umbone mtima, kulupichika, kulisinga nipo soni kuligosa.... —Agalatia 5:22, 23

“Naga mkunonyela, sungani malamulo gangu.” —Yohane 14:15

Uwe tukumanyilila kuti twakopweche mchiwa ni kwinjila mu

umi, pakuwa tukasitwanonyela achimjetu. Naga jwine akuwecheta kuti, “Ngusinanonyela Mlungu,” nambo achimchimaga mjakwe, ali jwa unami. Pakuwa mundu jwele jwanga-kumnonyela mjakwe ajo jwakumbo-na, ngapakombola kose kumnonyela Mlungu ajo jwanganambone.

—1 Yohane 3:14; 4:20

“Naga mkunonyelana, wandu wosope tachimanyilila kuti mli wakulijiganya wangu.” —Yohane 13:35

Pakuti kwanonyela Mlungu kukuli kugagosa malamulo gakwe, nipo malamulo gakwe nganiga wa kose gakusitopa. —1 Yohane 5:3

## 38 KUSYUKA KUŴAWE KWA YESU KLISTO

Yesu paŵajimwiche ku ŵawe, kundaŵindaŵipe, lyuŵa lyakuyichisya Sabato, pakutanda kwene ŵawonechele kwa Malia jwa ku Magadala, juŵamkopwesye masoka gangalumbana msano ni gaŵili jula.

—Maliko 16:9

“Uwe menema tuli mboni syakwe kwa yindu yosope yiŵayitesile mchilambo cha Yisulayeli ni ku Yelusalemu panyuma pakwe ŵambuleje pakumkomela pa msalaba. Panyuma pa moŵa gatatu, Mlungu ŵamjimwisye ku ŵawe ni ŵawonechele kwa ŵandu, nambo ngaŵaga kwa ŵandu wosope ngwamba, nambo kwa uwe ŵatuli mboni syakusagulikwa ni Mlungu, panyuma pa-

kwimuka kwakwe ku ŵawe, twalile ni kumwa najo pampepe.”

—Masengo 10:39-41

Gali gapite moŵa msano ni gata-tu, ŵakulijiganya ŵala ŵaliji soni mnyumba mula, nipo Tomasi ŵaliji nao. Matanga gali gamaugale, nambo Yesu ŵayiche, achijimililaga pasikati pao ŵatite, “Kutulala kuŵe kukwenu!” Paŵatite iyoyo, ŵamsalile Tomasi kuti, “Mjise mjinjisye chala chenu apano, ni mgalole magasa gangu, mjise nawo mkono wenu mpapasye mumbalati syangu. Mleche kukangachiya, nipo mkulupilile.” Tomasi ŵatite, “Ambuje wangu! ni Mlungu wangu!”

—Yohane 20:26-28



# KUSYUKA NIKO CHIJEMBECHELO CHETU CHISYESYENE

39

“Mkasimongwa nayo yeleyi, pa-kuwa jikwisa ndawi pelepo wandu wosope wali mmalembe tachigapilikana maloŵe gakwe ni tachikopoka mmalembe mwao. Wandu wele waŵatesile yangalumbana, tachijimuka kuti alamulwe.”

—Yohane 5:28, 29

Ana ngamkumanyilila kuti wosopewe twawile, twabatisilwe mwa Klisto mchiwa chakwe? Uwe mene ma twawile ni kwimuka mwilembe pampepe najo mu ubatiso mpaka ku chiwa, melepe kuti mpela Klisto wajimwiswe ku ŵawe mwa lumbili lwa Atati, iyoyopeyo nowe wakwe tujendeje mu umi wasambano. Pa-

kuwa naga tulumbikenywe nao mchiwa chakwe, iyoyopeyo tutuchiwa walumbikanywe kwakulandana ni kwimuka ku ŵawe kwao nombe nako.

—Aloma 6:3-5

Naga Klisto akulonjela mwenumwe, chiilu chenu chili chachiwe ligongo lya ulemwa, nambotu msimu wenu uli umi ligongo lya chilungamo. Nambo naga Msimu wa welewo uwajimwisye Yesu ku ŵawe, uchitamaga mwenumwe, mene ma pelepo mwa Msimu wakwe uwowo, Mlungu tachipeleka umi myiilu yenu yakuwa.

—Aloma 8:10, 11

“...Pakuwa wajendele kukwa-wombola wandu wakwe, ...takitukulupusya mmakono mwa amagongo wetu. Kuti twatumichileje pangali woga, ni pakutama ni mtima wakulungamika paujo pao mowa gosope ga umi wetu.”

—Luka 1:68 ni 74, 75

Pakumalichisya, achimjetu, tukumchondelela ni kumchisya mwa Ambuje Yesu kuti, mpela yimwalijiganyisye ndamo syakuwajilwa wanganyamwe kwenda ni kwano-nyelesya Mlungu, mpela mwele mwamkutendela, iyoyo mpundanganye. Pakuti mkugamanyilila malanjisyo gatwampele mwa

Ambuje Yesu. Pakuti alili ni lisosa Iya Mlungu, Iyakuti mweje waswela ni mligoseje kuchilyeye. Jwamlume jwali jose aweje jwakumanyilila kulijigalila wamkwakwe mkulenjela kwa mtima ni mluchimbichimbi. Pakuti Mlungu nganatuwilanga kuti tutendeje ya usakwa nambo kuti tuwe waswela.

—1 Atesalonika 4:1-4 ni 7

Nambo mpela weleo wele wa-wambilasile ali waswela, mtameje nomwe waswela myitendo yenu yosope. Pakuwa yilembeche kuti, “Mtameje waswela pakuti une ndili jwamswela.”

—1 Petulo 1:15, 16

## USWELA MTIMA MWA AMBUJE

41

Ligongo lya yeleyi, Yesu nombe najo wawilile kusa kwa msinda, kuti pakutenda iyoyo waswejesye wandu ni miasi jakwe.

—Ahebeli 13:12

Mpelaga watusagulile uwe mwa Jwelejo mkanichipanganichikwe chilambo chapasi kuti tuwe waswela, ni wangali chilema pa meso pakwe, ligongo watunonyele, nipo mbwale umundu wasambano, wele Mlungu waupanganyisye. Pelepo timchitendekwa wakulungama ni mu uswela wa usyenesyene.

—Aefeso 1:4; 4:24

Nambo naga tukwitichisya ulemwa wetu, Mlungu wali wakulu-

pichika ni wakulungama, tachitukululuchila ulemwa wetuwo. Tachituswejesya ni kututyochesya ungalumbana wetu wosope.

—1 Yohane 1:9

Pakuti yindu yosopeyi tiyichijonasika mwa litala lyeleli, ana wanganyamwe timchiwa wandu watuli? Umi wenu uweje wakulunjela ni kulipeleka chilipelechele kwa Mlungu.

—2 Petulo 3:11

Mlinjeje kutama ni mtendele ni wandu wosope, nipo soni kutama wakulunjela mtima, pakuwa pangali atamose jumo jose jwele tachawona Ambuje, naga ngakulunjela mtima.

—Ahebeli 12:14

## 42 WANDU WAGUMBALA NI MSIMU WASWELA

“Niyiŵaga ŵanganyamwe ŵamli ŵangalumbana, mkumanyilila kwapa yindu yambone ŵanache ŵenu, nambi uli Atati ŵa kwinani, ngati tapunde kwapa ŵakwajuga Msimu Ŵaswela!” —Luka 11:13

Paŵamasile kupopela, mnyumba mwele muŵasongangenemo jate-nganyiche, wosope ŵapochele machili ga Msimu Waswela ni ŵatandite kuŵecheta maloŵe ga Mlungu mwakulimba mtima.

—Masengo 4:31

Nambo ŵanganyamwe nganimba kose mchiilu, nambo mu msimu nagatu Msimu wa Mlungu akutama mwenumwe. Nambo jwalijose

jwa nganakola Msimu wa Klisto, jwelejo nganaŵa kose jwakwe jwa Klisto. —Aloma 8:9

“Nambo pakatema katimchipochela machili ga Msimu Ŵaswela patigachimyichilila ŵanganyamwe, pele nipo timchindendela umboni....” —Masengo 1:8

Ŵakulijiganya ŵa ku Antiokeya ŵagumbele chisangalalo ni Msimu Ŵaswela. —Masengo 13:52

Nambo Sitefano achilongolelwa ga ni Msimu Ŵaswela ŵalolite kwinani ni ŵaluweni lumbili lwa Mlungu, ni Yesu ali ajimi ku mkono wamlyo wa Mlungu, ni ŵatite,... —Masengo 7:55

Wanganyamwe wakunonyelwa, mkasimongwa ligongo lyakulingwa kwa masawusyo gele gamkusauswa nago. Mkaganisya kuti kapena yele yayikumbonechela yili yangayijembechela. Nambo msangalale pakuwa mli mkupata masawusyo pampepe ni Klisto, kuti pakuwonechela kwa lumbili lwakwe, timsangalale mnope.

—1 Petulo 4:12, 13

“Jwalakwe tachasyula misosi jao mmeso mwao. Chiwa ngasichipagwa soni, atamuno kulila malilo, kapena kulila kapena kuyiwona yipotesi, yindu yandanda yili yipite.”

—Chiunukuko 21:4

Nipo wasalile kuti, “Ligongo chichi mkuti, ‘Naga akupakombola?’ yindu yosope yili yakomboleka kwa jwakukulupilila.”

—Maliko 9:23

“Nambo wanganyamwe mtande kusosasosa kaje Uchimwene wa Mlungu, mchiyitendaga yakusaka yakwe, nipo tachimjonjechesya yine yosope.”

—Matayo 6:33

“Ni kwajiganya kuti asunje yosope yele yinamlamulile nipo mkumbuchileje kuti ndili nomwe mowa gosope, mpaka kumbesi ja chilambo chapasi chino.”

—Matayo 28:20

Nipo Mlungu jwakupeleka mte-  
ndeke, tachimswanya Satana chite-  
mape pasi pa sajo syenu.

—Aloma 16:20

Kulinjika kwele kumsimene na-  
ko wanyamwe, ngakukulekanga-  
na ni kulinjika kwele wandu wo-  
sope akusasimana nako. Mlungu ali  
jwakulupichika, nipo ngasakunda  
kose kuti mlinjikwe mwakupunda-  
nganya machili genu. Nambo pa-  
mkulinjigwa, Jwalakwe jwene tachi-  
mlinganichisya litala lyakulupuchila  
pakumpa machili kuti mpimilile.

—1 Akolinto 10:13

Nipo tukumanyilila kuti kwa yi-  
ndu yosope, Mlungu akukamusyana  
ni wandu wakumnonyela, pakwate-

ndela yambone. Wanduwo niwo  
wele Mlungu wawawilasile, mpela  
Jwalakwe muwalinganichisye chile-  
pe.

—Aloma 8:28

Pakuwa nganitukola jwamkulu-  
ngwa jwambopesi jwangapakombo-  
la kutendela chanasa yakulopotoka  
yetu. Nambo Jwamkulungwa Jwa-  
mbopesi jwetu walinjikwe myosope  
mpela mwele uwe tukusalinjika,  
nambo jwalakwe nganalemwa kose.

—Ahebeli 4:15

Masawusyo getu gali gakupepuka,  
gandawi japanandipe, nambo gaku-  
tujigalila lumbili lwele luli lwalu-  
kulungwa mnope, ni lwandala syo-  
se.

—2 Akolinto 4:17

“Jwalijose jutachipunda, tachi-pochela yeleyi, nipo une tinjiwa Mlungu jwakwe najo jwelejo tachiwa mwanangu.”

—Chiunukuko 21:7

“Jwele jutachipunda achikamulisyaga yakutenda yangu mpaka kumbesi, kwa jwelejo tinjimpa ulamusi pachanya pa wangosyo.”

—Chiunukuko 2:26

“Jwele jutachipunda tinimtende mtwalo wa mNyumba ja Mlungu wangu, nipo jwelejo ngasakopoka soni. Pa jwelejo tinjilemba lina lya Mlungu wangu ni soni lina lya msinda wa Mlungu wangu, niwo Yelusalemu wasambano, wauku-

wumila kwini kutyochema kwa Mlungu wangu. Pa jwalakwejo tinjilemba soni lina lya sambano.” —Chiunukuko 3:12

“Wele watachipunda tachiwa pampepe none achiwalaga yeswela; nipo ngasinilisimasya kose lina lyakwe mbuku ja umi, nipo tinalijitichisye lina lyakwe pa meso pa Atati wangu ni pa achimalayika wakwe.” —Chiunukuko 3:5

“Jwele jwakwete mapikanilo, apikane yele Msimu yakujisalila mipingo. Jutachipunda tinjimkunda kuti alye yisogosi ya chitela cha umi chachili mu mgunda wa Mlungu.” —Chiunukuko 2:7

## 46 MLUNGU AWECHETE SYAKULEKANA ULOMBELA

Kwa wâlombele mēnema ngwalamula, ngaŵaga une nambo Ambuje kuti jwamkongwe akasalekangana ni jwamlume jwakwe. Nambo naga akulekana atame jwangalombela soni, kapena ajilane soni ni msonogwe. Iyoyopeyo soni jwamlume akasalekana ni msonogwe. —1 Akolinto 7:10, 11

Pakuŵa jwamkongwe jwakwete msonogwe, ali jwamtaŵikwe ni malamulo ga ulombela pandaŵi josope jwamlume jwakwe pakuŵa jwachijumi. Naga jwamlumejo akuwa, menema jwamkongwejo akugopolwa ku malamusi ga ulombela gele gagamtaŵaga. Wele

utendewo menema, naga akutama ni jwamlume jwine, kutendaga jwamlume jwakwe ali chiŵela umi, jwamkongwejo taŵilanjikwe jwachikululu. Nambo naga jwamlume jwakwe pati awile, jwelejo agopwelwe ku malamusi ga ulombela, kwakuti ngaŵa kose jwachikululu naga akulombana ni jwamlume jwine. —Aloma 7:2, 3

“Nambo une ngumsalichisya kuti, mundu jwakumleka msonogwe pangaŵaga ligongo lyangakulupichika, akumtendekasya chikululu naga soni akulombela. Nipo mundu jwele jutalombele jwamkongwejo, nombe najo akutenda chikululu.” —Matayo 5:32



Nipo patinjawule kukumlinganichisya malo, tinjiuja soni kukumjigala, kuti nomwe wakwe mkatame kwele kundili une. —Yohane 14:3

“Menema naga mundu akutenda soni ligongo lyangune, ni malo we gangu pa meso pa wele uwelesi wa chikululuwu, kwa jwelejo nombe Mwanagwao mundu tachimtendela soni nombe najo, patachiyikaga mlumbili lwa Atati wakwe....”

—Maliko 8:38

Wakunonyelwamwe, sambano tuli wanache wa Mlungu, nipo nganatu-losya mwele mututuchiwela. Nambo tukumanyilila kuti pakuwonechela kwakwe Klisto, tutuchiwa wakulan-

dana najo, pakuwa tutuchimbona mwa welele. Nipo mundu jwali jose jwele jwakwete chilolelochi pa Klisto, akusaliswejesya mpela Klistojo ali jwamswela.

—1 Yohane 3:2, 3

“Iyoyopeyo nomwe wakwe, mli-ndilileje, ligongo Mwanagwao mundu tachiyika panda wi jingamkwe-mbecheya kuti angayiche.”

—Luka 12:40

“Pakuwa Mwanagwawo mundu tachiyika ni malayika gakwe ni lumbili lwa Atati wakwe, nipo tachimlipa jwalijose kwamalinga ni yitendo yakwe.” —Matayo 16:27

## 48 LILOŴE LYA MLUNGU

“Ya kwinani ni chilambo chapasi tiyichimala, nambo maloŵe gangu ngasigamala machili kose.”

—Luka 21:33

Pakuŵa maloŵe ga ŵamitenga ŵa Mlungu nganigaŵa gayiche kwa liso-sa lya ŵandu ngwamba, nambo pakatema kele Msimu Ŵaswela pawaŵechetekasisye, papopo ŵandu ŵaŵechete maloŵe gakutyochela kwa Mlungu.

—2 Petulo 1:21

Yosope yayili mmalemba yapele-kwe ni Mlungu, yili ya chikamuchisyo pakwiganya usyenesyene, pakwamuka, pakolosya, nipo soni pakwalanjisya ŵandu ya chilungamo.

—2 Timoteo 3:16

## POPELANI NI KULECHELESYA

“Ni ligongo lyakwe pakupopela mjileje, ‘Atati ŵetu ŵa kwinani, lina lyao lijinchilwe; Uchimwene wao ujise; kusaka kwao kutendekwe, mchilambo mpela kwinani. Atupe lelo chakulya chetu cha lelo. Atukululuchile yakulemwa yetu, mpela uweji soni tukwakululuchila ŵakutulemwechesya. Nipo akasatujinjisya mku-lingwa, nambo atukulupusye mu ungalumbana.’ Pakuti naga mkwakululuchila ŵandu yakusoya yao, Atati ŵenu ŵa kwinani tachimkululuchila soni mmwejo. Nambo naga ngamkwakululuchila ŵandu yakusoya yao, Atati ŵenu nombe nawo kasamkululuchila yakusoya yenu.”

—Matayo 6:9-15

***Ngusaka Mkulupusyo.***

Pakuwa wosope walemwisye, ni walepele kwisa ku lumbili lwele Mlungu waliganichisye.

—Aloma 3:23

Mpela yilembeche kuti, “Nganakugwa mundu jwakulungama atamose jumo jose.

—Aloma 3:10

Nambo yakulemwa yenu yim’lekangenyeye m’mwe ni Mlungu jwenu....

—Yesaya 59:2

***Klisto wambwilile une.***

Pakuwa Klisto wawile ndande ja ulemwa kamope nipo kakwanile, jwakulungama kwa liwamba lya wangalungama, kuti atujigalile uweji kwa Mlungu....

—1 Petulo 3:18

***Ngusaka kulapa sambu syangu.***

Mpitikuche mitima menema ni kuwujila....

—Masengo 3:19

***Nampochele Yesu mwachikulupililo.***

Nambo wandu wosope wawampochele ni kumkulupilila, jwelejo wapele machili gakuwa wanache wa Mlungu.

—Yohane 1:12

***Tisimichisye ya ukulupusyo wangu.***

“Kusyenesyene ngumsalila, mundu jwakupilikana maloŵe gangu ni kwakulupilila wawandumilewo, akwete umi wangamala nipo ngasalamulwa, nambo amasile kopoka mchiwa ni kwinjila mu umi.”

—Yohane 5:24

Published in numerous languages by World Missionary Press as God supplies funds in answer to prayer. Other booklets are also available. If you would like more copies for careful distribution, please write in English to:

World Missionary Press, Inc.  
P.O. Box 120  
New Paris, Indiana 46553-0120 USA

Malawi

279 Yao HFA

YAO